

上海中醫藥大學圖書館藏珍本古籍叢刊

丹溪心法類集

二

上海中醫藥大學圖書館藏珍本古籍叢刊

丹溪心法類集 二

〔明〕楊 珣撰

復旦大學出版社

丹溪心法類集卷之二

夏集

長安後學恒齋

楊珣 類集

吳陵後學

劉勛 校正

○中風

○中風大率主血虛有痰治痰為先次養血
行血或作屬虛挾火與濕又須分氣虛血
虛○半身不遂大率多痰在左屬死血痰
血血虛在右屬痰有熱氣虛○左以四物
湯桃仁紅花竹瀝薑汁○右以二陳湯四

君子湯加薑汁竹瀝○痰壅盛者口眼喎
斜不能言者皆當用吐法一吐不已再吐
輕者用瓜蒂一錢或稀涎散或蝦汁以蝦
半斤入醬葱薑等料物水煮先喫蝦次飲
汁後以鷺翎探引吐痰用蝦者蓋引其風
出耳○重者用藜蘆半錢或三分加麝香
少許蠶汁調吐若口噤昏迷者灌入鼻內
吐之虛者不可吐○氣虛卒倒者用參芪
補之有痰濃煎參湯加竹瀝薑汁○若血

虛者用四物湯俱用薑汁炒起泥痰故也
有痰再加竹瀝薑汁入內服能食者去竹
瀝加荊瀝○肥白人多濕用烏頭附子行
經○初昏倒者掐人中至醒然後用痰藥
以二陳湯四君子湯四物湯加減用之○
瘦人陰虛火熱用四物湯加牛膝竹瀝黃
芩黃柏有痰者加痰藥○筋枯者動則痛
是無血不能滋養其筋不治也脉訣內言
諸不治證見則不可治○治痰氣實而能

食用荊瀝氣虛少食用竹瀝此二味開經絡行血氣故也

肥人中風口喎手足麻木左右俱作瘓治

貝母

瓜蒌

南星

荊芥

防風

羌活

黃柏

黃芩

黃連

白朮

陳皮

半夏

薄桂

甘草

威靈仙

天花粉

○內經以下皆謂外中風邪然地有南北不可一途而取惟劉守真作將息失宜水不

能制火極是由今言之外中者亦有但極少耳又不可全謂將息失宜而非外中也許學士謂氣中者亦有此七情所傷脉微而數或浮而緊緩而遲必也脉遲浮可治大數而極者死若果外中者則東垣所謂中血脉中府中藏之理其於四肢不舉亦有與痿相類者當細分之局方風痿同治太謬發揮甚詳子和用三法如的係邪氣卒中痰盛實熱者可用否則不可

風者百病之始善行而數變行者動也風本
為熱熱勝則風動宜以靜勝其燥養血是
也治瀕少汗亦宜少下多汗則虛其衛多
下則損其榮治其在經雖有汗下之戒而
有中藏中府之分中府者宜汗之中藏者
宜下之此雖合汗下亦不可太過汗多則
亡陽下多則亡陰亡陽則損其氣亡陰則
損其形初謂表裏不和瀕汗下之表裏已
和是宜治之在經其中府者面顯五色有

表証面脉浮惡風惡寒拘急不仁或中身
之後身之前身之側皆曰中府也其治多
易中藏者唇吻不收舌不轉而失音鼻不
聞香臭耳聾而眼瞤大小便秘結或眼合
直視搖頭口開手散遺溺痰如曳鋸鼻鼾
皆曰中藏也中藏者多不治也六府不和
留結為癰五藏不和九竅不通無此乃在
經也初証既定宜以大藥養之當順時令
而調陰陽安藏府而和榮衛少有不愈者

也風中府者先以加減續命湯隨証發其
表如兼中藏則大便多秘澁宜以三化湯
通其滯初証已定別無他變以大藥和治
之大抵中府者多著四肢中藏者多滯九
竅中府者多兼中藏之証至於舌強失音
久服大藥能自愈也又曰氣中其証與中
風相似但風中多痰涎氣中口中無涎治之
之法調氣為先經言蓋治風者以氣理風
氣順則痰消徐理其風庶可收効又有中

風言不變志不亂病在分湊之間者只宜
溫卧取小汗為可復也○凡中風脉多沉
伏大法浮遲者吉急實者凶○先用麻油
調蘇合香丸或用薑汁或用白湯調如口
噤快開灌之稍甦則服八味順氣散若痰
甚者只以省風導痰湯服之若中則昏沉
不省人事口噤急以生半夏末吹入鼻中
或用細辛皂角為末吹之噴嚏則甦無嚏
者不治○肥人中者以其氣盛於外而歎

於內也肺為氣出入之道肥者氣必急氣
急必肺邪盛肺金剋木膽為肝之府故痰
涎壅盛所以治之必先理氣為急中後氣
未順痰未除調理之劑惟當以藿香正氣
散和星香散煎服此藥非特可治中風之
証治中氣中惡尤宜尋常止嘔多痰者亦
可用之○若前証多怒宜小續命湯加羚羊
羊角熱而渴者湯中去附子加秦艽半錢
恍惚錯語加茯神遠志各半錢不得睡加

酸棗仁半錢不能言如竹瀝一蜆殼許人
虛無力者去麻黃加人參如其數○若人
自甦能言能食惟身體不遂急則寧蹇緩
則驪曳經年不愈以加減地仙丹常服○
若飲食坐卧如常但失音不語只以小續
命去附子加石菖蒲一錢○治風之法初
得之即當順氣及日久即當活血此萬古
不易之理惟可以四物湯吞活絡丹愈者
正是此義若先不順氣化痰遽為烏附又

不活血徒用防風天麻羌活輩吾未見能
治也又見風中於膚腠輒用腦麝治之者
是引風入骨髓也尤為難治深可戒哉○
如口喎斜未正者以革麻去殼爛搗右喎
塗左左喎塗右或鱖魚血入麝香少許塗
之即正○捷嚏初卒倒僵仆不知人事急
以皂角末或不卧散入鼻內吹之就提頭
頂髮立甦若有嚏者可治無嚏者不治○
經曰風從汗泄以可微汗正如解表表實

無汗者散之。知之。飲表。表虛自汗者溫之。
解之。○若氣滯者難治。宜吐之。痰氣實壅。
盛者口眼喎斜。或不能言。並可用吐法。○
可下者。此日內有便溺之阻隔。故裏實。若
三五日不大便者。可與機要三化湯。或子和。
搜風丸。老人只以潤腸丸。○理氣者。氣滯。
氣鬱。肩膊麻痛之類。此七情也。宜烏藥順。
氣八味順氣之類。理血者。無表裏之急。血。
弱。舉發不時者。用大秦芫湯。或羌活愈風。

湯無用化痰丸子○灸可灸風池百會曲池合骨風市絕骨環跳肩髃三里等穴皆灸之以鑿竅踈風

○入方

通頂散 治中風中氣昏憤不知人事急用

吹鼻即甦

藥 生甘草 川芎

細辛 人參各一錢 石膏五錢

右為末吹入鼻中一字就提頭頂中髮立

甦有嚏者可治

稀涎散

治中風忽然若醉形體昏悶四肢不
收涎潮搐搦

猪牙皂角

四條去黑皮

白礬一兩

右為末每服三字溫水灌下但吐出涎便

醒虛人不可大吐

八味順氣散

白朮

白茯苓

青皮

香白芷

陳皮去白

台烏